

二恥齋集 卷四

二恥齋先生文集卷之四

祭文

祭安季學文

金維愷伊人實契叔末善士才聰明質溫雅宣於
 性分者不倉行孝第習詩禮得之家庭也夏厚本原
 既立人不間於父母弟兄文辭又情名乃播於鄉黨
 朋友咸稱黜焉富而孫子行見慈恩塔題姓名白戰
 場中雖有义手之譽朱衣案上奈無點頭之期籍未
 通於金閨空懷三千字禮樂名不登於玉署虛送四
 十年光陰人皆惜有才無施子獨能安分知命耕田
 得粟足免飢寒之憂灌塘留魚可充清醴之養助諸

二恥齋集

卷四

祭文

一

弟以講習匪亟匪徐敦一家之安和有恩有義庶專
 物外之清福不願世上之浮榮悲夫南嶽之屋靜
 深避豈不謹西方之毒疾盛張身處以纏尚善鄭公
 藥物之甚良兼時安氏福履之未艾必得其壽擬有
 佑於神明適隕厥靈嗟不吊於宮臬貧之美而命之
 嗇何斯至斯善不勸而惡不懲匪勸誰勸呼孫哭苦
 九峯之老親靡依喚耶啼悲駭齡之孤子無怙霜前
 白鴈呼失侶於清霄鏡裡青鸞愁吊影於寒夜村間
 為之雪涕所謂其兒也哀行路聞而興咨可堪我懷
 之疾正橫居在數舍之遠勿無一面之知通家往來
 實自黑蛇年歲墮處傾倒幾多青眼逢迎不幸八九

稔以還。而值大小麥相持。吾荆布之無年棄世。嗚呼。言我尊祖妣之未嘗辭堂。重可悲。已有時相對。母增感舊之懷。每日不患。幾吟停雲之句。哀今焉棄我而先逝。悵後也。見君之無期。白雪陽春。竟作寡和之曲。高山流水。終為絕絃之琴。春回一區之湖山。物色深淺。月滿古宅之棟樑。精爽依稀。心雖往而迹留。紙緣我馬蹇滯。物雖薄而情重。用效古人獲荔。哭不借聲。何嫌墓艸之已宿。言未盡意。嗚呼。公靈之斯歎。

祭鄭進士之銘文

正模少也。服公名實。稔顧地驢百里。無緣一掃其門。歲丙申。尊伯氏處士公厚。虛感銘。特正模以甥自是。二恥齋集 卷四 祭文 三

正模。遂寄習於公。益公美質高。得之天授。又能厲志。劬書不懈。人文辭斐然。甚有聲梁楚間。乃若所謂。捕羽翮騰風濤。以張大其門。則特公分內事耳。奈之何。既撥馬科。遂阻龍門。迄無所敵。為於世已。究矣。矧又公天稟堅定。嘗得純方。且以頤期之壽。期之。而庸詎知未及甲子一終。而遽爾觀化而歸耶。噫。尤可悲也。正模。卽世上一畸人耳。孤行末路。少所徵逐。獨公許以不麾於門。壻正模。每感激知遇。魚效微軀。往年正模相地于杜陵。其地距公寓僅一息。公聞余至。馳會中央。相見喜甚。因說杜陵田疇。孌孌子若移就。則吾亦欲卜鄰。終老。語實。竄吐。出肝膈之。

要說而正模病不偕計。遂馳書告之。由公答書深歎。事不如意例如此。尚以公年未甚衰。正模時亦彊壯。向來彼此之計。早晏畢就。則庶幾昕夕追陪。過了一生不幸如今事。乃有大謬不然者。豈正模命薄。無一好事而然耶。自吾之出入公門。首尾僅十許年。而中間連哭外舅若外姑。至今又哭我公。凡宿昔之愛我。而眷我者。不復存焉。嗟哉此悲。曷不為骨驚而魂飛也。公之仲氏獨行。公何不念公之賢配。崩城公何不顧公之子女。呱呱而公何不子耶。嗟乎。嗟如公信如公慈如公。平日視不悌不信不慈者。不啻若大甕。而惟今日不能容力。於是憲者宦宦中。有司命者操縱。

二恥齋集

卷四

祭文

而嗟乎此悲。儘是千古之絕悲。

祭仲父槃窩公文

於乎痛哉。天之不吊於我家。若是其甚耶。我王考既。不克享末年。先君兄弟。俱以盛年棄背。前後三十餘年之間。吾家事若涉川之無津涯。時則仲父獨辛。賴天扶持。既奉養慰悅于王母。庚寅王母又辭堂。我仲父獨任喪葬。竭誠自盡。重念門戶殘敗。日夜勸勉。猶子等益篤。歲已亥。正模忝竊科名。仲父喜其立揚。而益教以出身事主之方。雖正模志氣昏惰。不能奉承。訓戒而當初。不絕而生。以至有今日者。秋毫皆仲父賜也。猶子等每感教育之恩。而圖報無階。常以為倘。

待同居俟待過了百年則庶可以塞厚恩而表微忱
 也。不幸天不悔禍。叔母若從弟。相繼喪逝於周。嗚呼
 間有一於此。古人猶或叩盆而喪明。矧茲一時兩戚。
 實入理所不堪。自是以後。仲父遂有移居之志。既周
 覽四方。謂猶子等曰。考槃洞一區。寬閑可居。吾當從
 屋先往。爾等亦宜次第來。就永修花樹故事。不亦樂
 乎。猶子等亦聞而樂從之。仲父既移居。生理頗有緒。
 而猶子等兄弟。年來家益。頓無移動氣力。仲父每
 憫然於是。圖所以轉移接濟而未及也。戊申春。正模
 偶除居昌縣。仲父不以得官為喜。而以奉親復養為
 幸。促使之趨。肅既肅。即陪老慈到官。而仲父治
 二。聖齋集 卷四 祭文 四

送從兒為館置讀書之計。夫何莅官纔月。送節掉起。
 民人駭散。萬無收拾支吾之勢。而一兄在遠。將老無
 入。子情理不忍坐俟。賊鋒遂不免棄趙趙之義。效
 管仲之術。罪無所逃。及夫被責於營門。待命於金吾。
 前頭事機。未卜其出於何場。仲父以是焦心積慮。損
 傷榮衛。何幸天地至公。日月至明。察私情而恕公義。
 宥眚吹而施薄譴。萬絕歸來。復瞻老母及諸父。兄仲
 父。喜劇而非。悲不能定情。自是以來。忽忽無意於世事。
 常以為世味自辛。郊居可厭。吾欲與汝等。占得近郊。
 一與區區。居川觀。泮衣木食。以終餘年。斯亦幸矣。公
 年元朝後。進擬入峽。相地猶子等兄弟。承仲父志。先

二恥齋集 卷四

往周遊八峽僅數三日。還到龜川。聞仲父疾患非偶。蒼皇奔省。則咳嗽喘息之症種種危惡。而尚以我仲父平日氣稟堅凝。精力不衰。外來客痾。徐當自底於平善。晨昏默禱。惟在於是。卒之藥不見效。病轉深毒。奄忽之間。人事至此。此何事也。此何變也。飲食之失。其節耶。藥餌之失。其當耶。莫是猶子等行薄釁。重天不慈。一老而然。耶。不爾。安有端重如仲父。清健如仲父。而不能勝六七日寒疾者耶。去冬已哭桂坪姑母。今又仲父棄世。痛緒如割。淚眼無乾。孤露生存者。將何所依仰。而保遺耶。嗟乎。祖先積累之慶。若可以享。胡休。仲父愷悌之行。若可以膺厚報。而事之大謬不

二恥齋集 卷四 祭文 五

然。至於此。然則易之積善餘慶。書之天道福晉。中庸之大德。必得。俱是漫浪語。而子長之是非天道。冒黎之難測。天神。果皆怨尤之得正者耶。痛哉。痛哉。奈何。奈何。幽明異制。日月有時。初欲合塋於叔母墳塋。更念用力他求。或得尤吉之地。則其在安體魄。保孤從之道。實為萬幸。累日從事山家。得交昧一岡於縣西朴谷里。距家雖數十里。而鷹峯先塋地與之相接。庶幾依歸有所。精魄弗孤。猶子等悲中之幸。惟此是已。嗟乎。言雖顛錯。胡不賜食。奠雖瘠。胡不見饜。伏哭筵前。兩涕盈臆。過此以後。何處陪覲。

祭伯從叔文

酷哉吾家。何辜于天。兩祖未塋。諾父連捐。若無津涯。

家事誰顛。時惟堂叔。同仲父在名。雖二釁視。均同室。

寧畦寧畛。孰我孰物。有善與善。有憂同憂。相依為命。

前後幾秋。閱余兄弟。未省所怙。母氏低徊。免我赴蹈。

雖則免我。孰我教導。粗涉書史。繫公賜也。逮余竊緝。

喜劇而款。易以忠孝。光我祖先。不幸災眚。忍言戊申。

賊鋒欲起。闔境風靡。私情孔悲。公義難施。纔脫母命。

因赴京獄。歸命朝廷。恭俟嚴譴。叔於斯時。憂念靡

泊。或對人言。汪然涕出。天日孔昭。譴罰差薄。赤羅東

時。是吾曩地。曾未周歲。許歸田里。感戴洪造。拱祝

何已。杜訟餘暇。話親戚。謂陪巾几。畢此蹤跡。如何

三恥齋集

卷四

祭文

六

如何家割。又毒仲父。先背堂叔。踵歿無老之慟。倏爾

當前。獨立人間。俯仰靡緣。嗚呼曷歸。余懷之悲。彼頑

而愚。獲福如期。孔富以昌。亦克終壽。惟此行善。曷不

胡佑。既阻鵬路。但有螟蛉。七旬雖稀。仁壽則匱。誰不

惜公。在姪則尤。卜葬有期。靈車載途。今宵易曉。厚夜

無晨。過此以後。誰極誰因。適有新憂。杜門呻吟。未效

奔走。益切恨鼓。哭有餘悲。文不盡情。靈如賜臨。倘欲

微誠。

祭先妣夫人文 奔喪後

天之不吊。耶鬼之無知。耶此何事也。此何變也。不肖

子平生。罪惡深矣。不孝大矣。先君子棄背之日。兄年

纔及晡。不肖則寄妊三月矣。殺身相從。豈非母氏之

宿志。而未即凌溝瀆之諒者。徒以不肖等二人在也。

既忍痛鞠我。使之免於水火。稍長。更念非現弗友之

戒。所以勸督訓誨之者。殆無間於嚴君。雖不肖資性

薄劣。不能大有所就。而粗下銀根。僥倖成名於一科。

秋毫皆母氏力也。私竊以為枯榮遞傳。天道之常。自

今以往。或冀有一日之安。而不幸戊申之變。出於夢

外。倉猝養實。幾不保母命。當初罪善。特蒙 天日之

俯燭。徒配未幾。旋許放還。蓋自是後。灰心世事。惟欲

杜門訟愆。奉親畢命。此外實無毫髮餘念。夫何白地

危誣。又出於勘罪四年之後。受責投裔。南遷北徙。遽

賈八九年星霜。陟岵倚閭。情理悲絕。而尚少時以為

慰者。以我母氏年雖高。而氣力尚矍。且劉夢得云。九

年之間。天道少變。度幾白。日回光。歸侍有日。晨昏視

天。惟此情真切。誠未上格。天不降佐。五日毒痾。奪我

母氏。此何事也。此何變也。天之不吊耶。鬼之無知耶。

豈我母氏壽命止此。而然歟。將不肖子不孝之罪。通

天地亘萬古。而罹此毒罰矣。呼天頓地。奈何奈何。人

之以有子為貴者。豈不以生則致其養。病則致其憂。

歿則臨設。而如哀耶。如不肖子九年相離。忠養缺矣。

終至於病。不相聞而喪。不即奔此實天地間極惡大

罪。將何以齒。列於人。數而立於世也。惟欲接踵遊

二恥齋集 卷四 祭文 七

奉侍於泉壤之下。而誠微命頑。亦未之得。因極困極
奈何。奈何。以伯氏嘗養斷指之至誠。猶未能回春。此
則不肯子惡極禍迺之致。而天亦酷矣。鬼亦不仁矣。
未知母氏之靈。其有知耶。其無知耶。不肯子遭變不
絕。猶飲猶食。并許日後。方始奔哭。而北堂歸然。儀形
求闕子之不孝。固見絕於人。而母氏越犢之愛。則
似不宥相絕。何不詔之以一言。以通母子之至情也。
精魄喪盡。收召不得。略敘至哀之萬一。而顛錯不成。
言語伏望。鑑而憐之。接儀形於夢寐。而賜教詔如平
昔。不肯子終天之痛。或可以少洩矣。因極困極奈何。
奈何。伏惟。

二恥齋集

卷四

祭文

祭空室淑人順興安氏文

嗟嗟室人。棄我何亟。開餘人生年貌。可惜兩歲夫婦。
息愛輕絕。人情到此。烏得不悲。愚之心痛。言亦涕洟。
往事如夢。不能盡記。略舉末文。以抒意。緬惟執贄。
是癸巳春。言結其幃。載諫東新。洞房花月。琴瑟以友。
幽閑氣質。得自天賦。塞淵心行。可範閨嬪。擊而有別。
待我如賓。羞顏未開。父而愈新。得其為人。我心則愛。
一篇女戒。古訓昭載。持以贈君。吾意有在。君性開爽。
不迷指示。一言一行。必思顧護。自修餘暇。推以規吾。
厥規伊何。讀書飭軀。顧余鄙夫。不能克從。悠悠至今。
未免慳慳。斯實吾過。可堪愧負。然吾昨期。庶幾偕老。

未受發藥以無大過。公馬已矣。嗚呼。其奈嗚君既鮮。
 艱厄何酷。尊母遽瘡。寤寐絜氣。昏朝侍側。目不交睫。
 屬冬之孟。我以書擲。西成告訖。北陸載陰。卜吉廟見。
 盍迨其令。得君回答。辭意懇悲。母疾彌留。不忍遠離。
 願察余誠。以緩行期。嘉君孝思。許君視藥。曾未幾何。
 奄遭大憾。我適在豐。聞訃最後。亦既聞之。來哭靈室。
 憫君羸弱。且懷胎妊。猝當稽故。驟猝頓甚。形容氣魄。
 非復前日。相對以慰。勉其節抑。搢陳古義。言不厭繁。
 君亦首肯。謂當俯服。厥後及葬。我又相縛。膠擾之中。
 獲接顏色。榮衛頓鑠。咳嗽又劇。心勞竊憂。甄義明責。
 丁寧昔日。何不遵克。白無念我。一犯由天。真哭既畢。
 三恥齋集 卷四 祭文 九

我將言旋。適患感冒。委頓床席。調治累日。厥症少歇。
 不得久留。歸期云迫。我憐君懣。君憫我疾。黯然消魂。
 兩情脉脉。察君顏面。殊異平昔。欲言無言。背面却立。
 一雙珠淚。琅然霑臆。臨當解携。何言以諭。人間離合。
 古來必有。云胡罔念。而至對泣。君聞我言。愀然不答。
 出門回顧。中心是惻。春風一別。夏月登昨。日復一日。
 魂夢幾費。忽得倂信。言君被疾。遙聞此報。心劇驚揚。
 時下山靈。累速裁撤。抽身無際。未克親趨。為探添減。
 受遣長鬚。長鬚來傳。君疾是瘡。君家兄弟。搬挈村塢。
 家無至親。誰其將護。幸有尊故。早夜相守。察其寒暖。
 時其飢飽。醫問藥靡。不用極私。必歎禱望。幸千一。

二恥齋集 卷四

屈指計日。幾至四十。一家呼慶。慶慮頓釋。如何不泣。
 別症添發。曰中有火。因上生風。不吊昊天。乃遂不興。
 以君心德。應享胡福。緣吾積惡。禍至此酷。當其疾病。
 既未親藥。及厥殞命。又不臨訣。人生斯世。孰無是哭。
 幽明如恨。念我獨兮。匹馬渡洛。薄言歸哭。寂寞興泉。
 人事異昔。秋蟲吊機。鳳閣閑擲。黃塵沒盒。鸞鏡誰拭。
 如見君容。熟視難接。如聞君音。靜聽不覺。虛窓夜月。
 獨留陳迹。清輝皎然。鬢髮精魂。春天一襲。歸飽稔棘。
 今來見此。一倍摧裂。吾豈敢惡。服之無數。生前好緣。
 倏如風燭。地下他手。誓來同穴。銘吾之心。刻吾之骨。
 謂余不信。有如皎日。丹旒翩翩。白楊蕭蕭。秋山物色。
 二恥齋集卷四
 祭文十

祭叔人東萊鄭氏文

倍增悽愴。有真不食。有言不答。嗟嗟室人。胡遽相薄。
 言亦不極。情亦難裁。君如有靈。其亦歆哉。

嗚呼。父母兄弟妻子。是謂六親。六親者。至親至切。不
 復與離者。也不幸而六親之中。有作數百里之行。一

二朔之別者。則居者有攀送惘然之意。行者有反顧
 可憐之色。此實人情之必至。而今昔之所同也。矧伊

遭震剝驚蕩之變。行齋居送。俱不得其常。而仍成數
 千里嶺海之行。繼之以十年不返者乎。矧又減等

恩彩。庶幾全釋之有望。而終未克會拜。仍成千古幽
 明之設者乎。此則悲絕中最悲絕者。雖如釋伽老子

之淡然忘情者。想亦不能不隕淚於斯矣。吾之幼少

時。孤苦慙凶。尚何言哉。母氏忍兒顧復。免我於水火。

諸父迭古訓戒。開我以詩禮。逮歲已交。德律得一科。

而歸。母氏喜極而悲。垂淚而拊余頂曰。天之弗吊吾。

家極矣。自今以往。或者悔禍而啓佑之乎。汝當早夜

祇謹。以承天意可也。家內外。又交口致慶於君曰。

二十四而得爲官人妻。實毀鄉稀事。非君之厚德景

福。何以致此。嗟乎。孰知夫賀語纔騰。吹簣踵至。遽遭

蛾林。萬不料之變耶。于斯時也。親命之危。僅一髮耳。

况可論妻子耶。幸而老慈獲全。百口亦無恙。而爲伸

私情。全沒公義。揆以王法。罪不容赦。聖上哀卞

二恥齋集 卷四

祭文 十一

莊之有母。母仲約之無辜。略施徒配。俄許放還。自是

以後。君常語余曰。吾家福薄。乍得一邑。遽遭此纒。前

道事可知。不如棲身試卦。效陶翟之畊耘。以沒年齒。

斯亦幸矣。其言甚恻。吾意方欲奉母兄入山林。爲鰥

荒。會力計。嗟乎。又孰知人言罔極。三數年後。再託理

而仍鳥配耶。輿陽是南海極邊。去故土千有餘里。初

欲携君以來。與同甘苦。更念親年已老。若見全家搬

擊之撓。則必大傷心。不自聊。故姑寢晨計。而幸望

天日之回光。在謫五年。王世子誕降。遂恩移于

錦山。錦山距家比輿陽。不及三之一。歲纔一周。又付

處于忠原。忠原雖不加適於錦山。而兩邑大夫。皆肯

揣人情。許其歸觀。歸觀之際。母氏有喜色。兄弟環侍。怡愉。妻子笑語。欸欸其樂何如也。及厥既觀而歸。老親爲之不樂。伯氏爲之凄咽。妻子爲之竚立以泣。其悲又何如也。自念累蒙移轉。今到中道。前頭悽釋。卽次第事耳。且親年雖近大耋。而精力尚康。無小疾患。早晚大歸。行將有歸。侍圍會之樂。嗟乎。又孰知移此多年。猶未脫於丹書。而遽遭昨午巨絀耶。吾不忠不孝。離親去國。終至於親有疾而未之侍。親既歿而未之憑。許日後方始緩緩奔哭。極惡大罪。無所逃於天壤間。顧今親不在矣。妻孥無可恃矣。三年喪後。猶未全釋。則近將挈妻兒歸。曩寓其嚶晚景些辛。二恥齋集 卷四 祭文 十二

差足懸久別心事。嗟乎。又孰知大喪後僅一周。又遭我鄉鄉喪耶。去冬十月。載上親葬。而其時村痘大張。當夜移殯。僅僅克襄。以山下逼邇痘疔。改討寓苦於新堤。期以刻日搬移。虞哭既畢。余亦匆遑繫所。去雷情懷。比平昔尤惡。厥后因金友下去。略寄一書。得其回答。則移新堤不數日。痘警又發。又移于田岱。而再從弟又始痘于其處。故現今移住于院堂窟谷中。云云。聞來頗極危怖。而亦乏使。未克再探。俄又星紀遽變。而余之老隱寓所。痘火又燎。原矣。朝東暮西。在在寓突不黔。二月中旬。余與萬昌艱辛。轉移于德園。三月初吉。因遊山僧。始通此間。牽擊之報。而其僧不

二恥齋集 卷四

以時返。無緣得回書。不知君已於四月之初六不興。不寤而恰過一望之後。方始承凶。悲夫病而不視。喪而不臨。比之昨天終天之痛。雖固有間。而均之爲不近人情。夫孰曰六親之親。而年年乃爾耶。每覽昔人銘旌下。悽回未嘗不歎息流涕。庸詎知此事當我之前也。吾素不能治生。妻子常有餽色。分析以來。寒乞轉甚。即今初終與葬具。凡百草率。萬不能無憾於情。生離死別。貧病良覺悲苦也。尤可痛者。吾雖十年居謫。而君能在家料理。家事有所恃。祭薦有所賴。子女亦皆依仰。今君已矣。家事更誰主張。祭薦更誰奉將。子女亦誰救護耶。固當擊歸于纍。寓而旣無可啜之

二恥齋集 卷四

祭文 十三

屋。又無可畊之田。可使之奴。向後未知更如何也。此等事。入念鮮覺。頭促白而涕汪汪。君何不以其善處之意。接我於夢寐。而明告之耶。嗚呼。君之生世四十五年。與吾夫婦又二十五歲。而十年以來。余作嶺海間人。計其居家同苦樂日月。則不過十五年矣。吁。人生其短矣。世緣其侈矣。雖勉生一度。人所不免。特先後早晚。差異耳。吾亦飽喫風霜。血氣凋落。自去年大故之後。肌肉消瘦如枯。膝鬢衰頹如亂絲。若此不已。幾何其不從君以死耶。死而有知。其地下相從之樂。定應不減於人間。如無知。亦可以回暫時之悲。而爲無窮之不悲矣。以此自慰。而慰君者。其亦太感

短而无切悲也。

哀辭

族兄上舍公重樸哀辭

嗚呼。吾門近益衰。尚倚公以爲重。今公又

不少留。此曷故焉。惟公美質高才。又能好

學。而文結髮爲舉子業。甚有聲梁梁。聞朝

夕。期公揮羽翮。騰風濤。以張大我門戶。不

然。猶靜裡幼書。旣以淑其身。間率村秀材

子。相爲成就。亦一事也。奈何旣捨馬料。旋

罹奇疾。泔泔六年。奄然就盡。向所期二

事。未克諧。其此已悲矣。抑又有切悲者。

三恥齋集

卷四

哀辭 十四

老親年近七十。何不待傍而致養。一子纔

長成。何不終教以立身嘉婦。承序。亦何不

福履以顧絃也。豈瞑暝之中。有能制其死

命者。使公不能自力。而然歟。悲夫。悲夫。略

道公志行。摺槩以叙余之悲哀云。辭曰。

吉日兮辰良。送公歸兮山之陽。公生世兮僅卅餘。何

大限兮苦不舒。憶公平昔兮轉痛裂。慈諒豈弟兮才

又絕。出則有爲兮處有守。吾於公兮竊期不朽。再

入太液兮摘蓮荷。俄不幸兮控劇河。北牖下兮歲育

多神不勞兮迺公何。公之妃兮正酸辛。鸞髮干文兮

堂上春。有婦孳孳兮纔入門。後公數月兮逝作孤魂。

孰無禍變兮。疇不喪之。念合家兮。增噴傷。直欲執此
理兮。問彼天。天宮寧兮。不可緣。暑雨淫淫兮。火無燄。
星言夙駕兮。宛啞啞。珠旗導前兮。素嫠以墮。風色昏
黑兮。眞宰烏悲。青山暮兮。墳土晞。良士一去兮。不
復還。送之以言兮。情不極。嗚呼已矣兮。只堪慟哭。

李子聃猶龍哀辭

不佞畸于世。少所還往。獨吾子聃。辱與之
交。既又聯名修藍田約。每年輒宴酒。相會
于城南村。蓋將以勸德業。而規過失。其相
須相期之意。奚庸淺薄而已哉。嗟乎。吾黨
今年。是何運氣。既喪校洞兄。又失吾子聃。

二恥齋集

卷四

哀辭

十五

向之所謂同約而相須者。只餘若干人地。
上後死人如正樞。安得不噉于喉。而泣于
嘗耶。唯子聃有志行。有詞華。位于朝。可以
黼黻王猷。藏于家。可以誘率鄉後。卒之命
蹇時乖。迄未克諧。其一抱疾。淋漓三十
一而遽歸。此已悲矣。更有絕悲者。存焉子
聃。出后于伯父。令其兩庭老親。俱無恙。有
丈夫子一人。時未及長。成。使此行。或可少
緩。則必不忍捨。夫親若子而絕也。乃嗟然
漠然。一往不復。豈子聃孝慈之性。有衰哉。
是知冥冥之中。有能制其絕命者。使子聃

不能自由而然豈不重可悲乎哉今國

恤方棘因山未經排北聲律似或未安遂

製古體二十句庸以道情素而紓悲哀云

惻惻復惻惻別悲消骨君年纔過卅世緣何倏忽

莫是悼焚燭香然以高揭天維主下入報施初不滑

如何天亦老疑理又况惚彼頑而獲福此哲反見則

從古總如斯太史亦嗟咄哀哉雙老爺撫膺悲緒惻

孤妻抱弱子血泣淚欲竭末念平生事我痛愛不歇

初隨翰墨場到處揖餘袴連修監田約契詎无密勿

年年一樽酒會遊城南月追逐非閑謾道義期存沒

其如吾良儔福祿也不膺族兄大歸日哀誄纒綴筆

二耶齋集

卷四

哀辭

十六

嗚呼子又逝吾嘗轉孤孤拯朱旗導靈輿走向山一髮

可憐我良友曷為入土窟聊將一言贈此別千古濶

李子達哀辭

嗚呼吾友子達天質瑩然以清又能服庭

訓知學問發為文辭亦斐然可觀乃若發

軔華國特分內事耳不然猶山間咬齋做

得實工夫真事業也若之何二不諧一而

遽絕年又遜孫郎一歲嗟呼子達何短也

又何冤也雖然此猶謾悲豈有絕悲者存

焉夫以子達平日既孝而友又信而慈而

適棄親離兄遠妻辱子趨若不孝不友不

信不慈者歎。是果子達之本心耶。嗟呼。壽

短一定。聖智莫逃。則子達於司命者處分。

亦獨奈何。吾知子達長逝之魂。私恨無窮。

而猶能順變觀化。不喞天理。此足見子達

修俟之懿。於子達何間哉。吁。其孔悲矣。擗

有目。適有故關臨設。替叙數行辰語。以紓

余之悲悼。且以慰子達於幽昧云。辭曰。

子之茂兮。天得何豐。玉雪其表兮。水月其中。聞詩聞

禮兮。既博以通。吐而為言兮。燁然其光。出遊翰墨兮。

譽聞孔揚。唱余畸人兮。世無偕偶。獨子不遐兮。追從

伊屢。清安雅度兮。寔余所慕。相期千載兮。莫遊之好。

二耶齋集

卷四

東遊 十七

鵬程在前兮。謂子毀鷺。厥或末遇兮。處而有守。惜哉

不諧兮。棄我而先。人間倏忽兮。二十五年。才高命蹇

兮。何辜于天。吾將上充兮。閩闔無緣。賴天十月兮。輓

轡。曉駕子之車。孃兮。倚明淚瀉子之妻兒兮。扶柩欲

絕。蘓川飲泣兮。武山慘色。嗟哉子達兮。尚復何說。

誄文

密菴李生誄文

嗟呼。法門衰敗之秋。吾密菴先生。又至於是乎。惟先

生。敏得於天。學得於家。積一生林下工夫。用底于造

道成德之域。執此而遇於世。則於尊主庇民。猶反

手也。而適時命不偶。沒世寤危。經綸志業。卒不免寥

落於煙霞。雖先生不自爲恨。而人之情先生者。寧

不有恨於是耶。雖然。先生於隱約婆娑之中。益大肆

力於此學。研窮者。曾微而愈高。明覽者。有集深而愈

博。厚晚年齒德俱高。蔚然爲斯文宗匠。吾南人士賴

先生之力。尚不昧一線正脈。則先生一時之不幸。未

必非斯道斯人之大幸。亦何必深爲先生恨也。正襟

從。勿僻陋無師資。得拜先生。八九年于茲。顧緣積惰

無志。迄未能執經請益於函丈。而至於書疏質疑。則

殆未有虛月。先生亦憐其願學而無聞。開示獎掖。無

少餘蘊。自幸愚魯。因此發發。不遂爲小人之歸。近來

患難屢廢之餘。蹤跡乖舛。杜門畏約。久不敢煩。隸通

二恥齋集 卷四

誄文 六

侯而迺其嚮德私情。則未嘗少著於前。寧知今日先

生棄後學而觀化也耶。嗚哉。痛哉。重恨疹瘳。巧值。旣

不能奔哭於初喪。新憂重發。又不果趨設於窆旁。只

以數行。無拙何陳。慕仰素忱。而兼叙公私無限之慟

云。

遺狀

祖考處士府君行狀

府君諱文錫。字鳳瑞。揚州人。上世有諱允濡。爲。麗

朝版圖判書。以清直著名。生諱祐。爲麗朝按廉使。父

卒。廬墓泣血。有雙竹抽生。以孝感聞。朝廷旌其閭。

士林尊尚之。身凍水院。六世至諱元禱。奉親孝。忠克

追祖武亦聞事。旋聞早遊周慎齋之門。得傳學問。

淵源。贈戶曹參議。身藏待陞。兩世懿行。俱載三綱。

行實。人目為孝友家。於府君為高祖。曾祖諱仁。號城隱。壬辰與伯氏倡義。戊申為晦齋先生。伸辨疏。辛亥。

為退溪先生辨誣。疏嘗除來嘉教授。贈左承旨。

祖諱適。道進士。從寒旅。兩先生得聞。曾諱丁卯子。

倡義陳疏。嘗赴祥雲郵官。又除健元陵參奉。肅

謝。號虎溪。考諱塚中進士。文行超世。有士林重望。以

六行累入齋。郎薦。孺忍齋。妣安。秉權氏。湖陽處士諱

益昌之女。奉承家訓。有幽閑之德。宗族皆矜式焉。府

君以辛巳二月二日生。生有美質。溫潤聰穎。少多病。

二恥齋集 卷四

行狀 十九

不能刻意讀書。既長。能奮志文學。不惟屑意於詞音。

而必以敦行孝弟為先。其視聲利紛華。澹如也。文詞

清麗。筆法亦端重。流輩咸期以達到。而累屈場屋。終

未成一舉。名世皆吝惜。而府君不以介意。方益加溫

習。為暮年活計。且訓誨子弟。期以無墜先業。不幸寢

疾。經年。以乙丑十一月十七日終。春秋僅四十五。噫

以府君慈許之質。敏悟之行。而既不果立揚。又置其

壽命。天之報施。果安在哉。配月城孫氏。吏曹判書諱

仲暉之后。忠義衛諱鉞之女。仁恕高明。多識前言。往

行配。府君無違德。事舅姑以孝。訓子弟以義。有古女

士之風焉。府君沒。世先伯考。僅受室。自餘維弱。漸削。

祖妣痛念早寡無賴既勤紡績又篤於訓誨以能持

門戶保先紫歲庚午巳丑先伯考及先考又相繼早

世妣荐遭悲疾沉篤以庚寅十二月二十五日

棄世享年七十府君初葬于縣西新洞祖妣亦各葬

于縣南文巖歲乙未移合于遜道洞午向之原男女

各三人長德溢次德浩次德洵女李英中權悍孝厚

謙伯考二十七而歿有二男即彥模正模仲父有一

男仲父歿後亦夫以堂兄之子禮模為后先考亦年

三十無子而歿祖妣命正模為后李氏一子憲柱權

氏二子長次師閔李氏三子長基櫻次洪胃次

洪源正模撰承餘慶早竊科第俄而獲譴南遷再

三恥齋集

卷四

行狀

三

移而到忠原者今七年竊念府君歿已五十餘年諸

父皆已早世諸孫等又無建事者故只記其族世子

孫乃其才德言行則無以放述其詳執筆攬涕愴慕

曷極

伯祖芝軒府君行狀

吾家世不壽比正模生獨伯祖府君在世耳追憶當

時招呼拊弄宛然如前日事而歲月侵尋伯祖下世

居然四十五年感念今昔曷任愴慕一日嘗希義模

等以家傳相托顧正模孤蒙重此惴約其何能收名

精魄從事於筆硯間哉祇以家門叙述有非他人之

比故不敢辭而畧記如左府君諱禹錫字龜瑞鵝洲

人始祖版圖劉書諱允濤以直道顯以按廉使諱祐
 孝感名俱載麗史及三綱鉅勝覽等書高祖諱元祿
 聞道於周慎齋問下亦以至孝 旌門 贈戶曹參
 議彌悔堂曾祖諱仁克述孝弟好吾而文 贈左承
 旨祖諱適道早捷蓮榜遂不事舉選累以齋郎徵
 就以丁丙扈從勳 除祥雲郵官旋即棄歸 除健
 元陵參奉 肅謝有士林重望髯虎溪考諱埭中進
 士行誼文章為世推重妣安東權氏學諱宣之
 孫湖陽處士諱益昌之女柔嘉貞淑女德茂備為婦
 為母皆可取法以戊寅某月日生府君少敏悟惠和
 孝友以類儲我祖考克業詩禮填唱篤知人目為難
 三恥齋集 卷四 行狀 三十一

兄弟天性介潔方直見人有非違輒回斥不少貸宗
 黨咸敬憚之文辭筆翰俱清麗端楷嘗屢手鄉解或
 居魁而輒見色於禮部知舊無不吝惜而府君等視
 寤通不少介然也自少有玄妻之癖既老而溫柔采
 篤中夜起坐恒誦四子韓歐等文以自家貧瓶米
 或盤而清坐竟日未嘗間有無焉歲之丑我祖考暨
 逝府君深以獨行踽踽為悲遂謝去病聲工專意於
 訓誨子弟不幸以乙亥二月十一日終春秋五十八
 噫乎清文懿行迄未免沉屈又不享耆耋者天果何
 心哉府君初娶沁安李氏適德郎世美女甚有婦道
 產二男二女歲戊申歿繼娶皇山李氏學生其妾女

二恥齋集 卷四

亦賢淑有行。產一男。歲庚申。歿。安李氏。韓于後。涓

坐強之。吁。府君及星山李氏。連受。母織坡。向卯之原。

男長德潤。無子。以義模為后。次德海。有三男。義模。器

模。禮模。禮模。亦出后。季德淳。早歿。有二男。益模。實模。

女權得泰。宋照。俱有一子。側室子。一曰德溶。亦早

歿。無后。竊念府君言行之美。必多有可述者。而即今

家長老零落已盡。以正模發聞。何能發揮其萬一哉。

聊記其始終。俾雲仍畧有野考。摭而追慕。以為之銘。

死後之資爾。

伯考處士府君行狀

府君諱德澁。字大猷。鵝州人。麗朝版圖。判書諱允濡。

二聰齋集卷四

行狀

三十一

以清直名於世。高為鼻祖。按廉使諱祐。即判書公之

子。遭喪廬墓。泣血三年。有雙竹抽于墓前。事聞。表其

宅。其後移居于聞韶元興洞。有諱元程。號悔堂。天資

近道。學於周慎齋。秦親孝。與適。追先祖。朝廷又褒

錄之。因。贈戶曹參議。兩世謚行。既載於三綱行實。

士林。又狙豆之高。祖諱仁。號城隱。向孝。讓稱。為厚

德長者。贈左承旨。生三子。長諱適道。於府君為曾

祖。天分甚高。早中司馬。杜門養閑。罕執高其行。累辭

齋郎不就。除拜雲郵。邊踏關東名勝。旋即棄歸。踊

虎溪。祖諱珠。進士。以文行見重。嘗應館薦。而卒不顯。

號忍齋。考諱文錫。聰明穎悟。克世家學。而有才無命。

四十五而卒。娶身城孫氏。明廟朝名臣諱仲暉之
 六世孫忠義衛謹銓之女。以甲辰四月四日生。府尹
 少穎秀異。兒且外。訓誨克哲。且嚴。耳擣。目染。敲
 行孝弟。記性又甚敏。交業日進。流輩皆自以爲莫及。
 宗戚鄉黨。方期以達到。而內舅孫公汝斗。尤奇愛之。
 貽書勸勉。動以古人相期。孫公固望士。而其言如此。
 卽府君之伏。一世可知已。歲乙丑。聘宣城李氏。故持
 平諱珙之曾孫。學生諱星喬之女。花山大姓權公諱
 之外孫也。以壬寅九月十一日生。生長名家。飽
 聞文戒。既歸。我府君祖考適有疾。彌留。府君與妣躬
 親粥藥。夙夜焦遑。至仲冬。奄遭巨劫。府君以棄養之
 二恥齋集 卷四 行狀 三十三

促爲至痛。居喪極毀瘠。送終盡情禮。既闋制。考養祖
 妣。敬愛無失。退又勸課羣弟。相與誦詩禮。所以克家
 而烏。政者無聞。然矣。不幸於庚午六月得疾卒。革時
 頗疑染瘟。人莫敢入視。獨宗從兄德潤德海等。素重
 府君。直入救視。病至難醫。然後去。遂於二十六日棄
 世。得年只二十七時。一兄纔卒。正模方在娠。先伯妣
 痛念早孀。靡依。將欲自裁。同穴。顧念老親與幼孩。低
 徊而不忍也。兄弟既免水火。又念非現不友之戒。日
 夜痛加程督。自汝等須百倍其工。僅可以比父教之
 萬。不肯等天稟。駕必。雖不能一遵。教戒。而到今。粗下
 魚魯。秋毫皆白。賜也。正模年二十九。倅占魏第京。

嘗以爲樂而她不色喜曰吾悲獨見此慶也因以出
 身事主之中守拙嘗世之道倦倦教戒鳥隼正模得
 楸林秦故輿往赴無幾何小醜竊發於鄰邑出其不
 意長驅追城時車一空無衣賊何適於夷夜背負
 粗伸私愆而其志則將欲圖後效以贖厥罪方伯不
 諒啓罷西上侯罪于金吾門自上憐其意恕其
 罪徒配末一年而全釋庚戌冬繡衣更以誣語搆
 啓再就理鼻配于興陽乙卯用王世子誕慶移于
 錦山又一年付處于忠原奔走喘約首尾八年她
 驚憂震判積慮成疾而尚冀鷄竿式端侍有日嗟
 乎其如正模不孝之罪上通于天何哉己未春三月
 二恥齋集卷四 行狀 三由

她感疾累篤兄獨侍憂逢至於斲指嘗糞而猶不得
 回天竟以其月二十九日辭堂享年七十八天乎天
 乎有罪如正模者直爲降殛於其躬足矣何忍移之
 於老母也疾而未得侍發而未得憑過共許曰方始
 黍哭此生此恨曷其可念府君歿于島嶼嶺向丁
 之序及她喪又耐葬而以墓東地勢不便柩于墓西
 而稍下長彥模有二子二女季即正模以租她命出
 后子季父有三子一女竊念府君敏德懿行必多有
 可述者不肖等旣未承事固不敢沾沾稱道至於先
 伯妣則五十年承事之夕豈敢懼其嫌而沒其贊哉
 靜淑而幽閑敦重而端嚴妣之天得也處患之堅貞

訓子之純切。妣之行蹟也。自餘日用常行。無不暗合於理。至其鎮服之量。細大之務。罔悉備具。無不宜之。古所謂女士者。殆無以過之。此非私言宗族之野公。誦也。敢記世系志行之梗槩。以俟世之直而不華者。以為乞銘垂後之資。至於溢美而爽實。則正模之所大懼而不敢者也。

先考處士府君行狀

府君諱德洵。字君允。系牒具見於先伯考家傳。祖考有三男。季即府君也。庚申九月十八日生。天得聰悟。祖考奇愛之。歲乙丑。祖考辭堂。繼於庚午。先伯考天棄。府君因以失學。祖妣深憂之。府君惕然感發。遂務

二恥齋集 卷四

行狀 三五

記覽為詞章。出語美然。可觀。筆翰亦遒。緊可愛。既長

又能敦行。孝弟克述。家風。者咸稱其詩禮家佳子。弟初娶碧珮。李氏。進士諱命元之女。耕隱李先生之。后未及廟見而歿。年二十六。只一女在。穉穉。旋又不

育。府君悼念不已。再娶咸陽朴氏。尼山郡守諱宗杓之孫。通德。即諱成燾之女。府君少清羸。善病。至是疾

轉。華以巳丑六月二十二日棄世。年僅三十。妣朴氏哀痛成疾。亦以翌年沒。年二十五時。祖母老耄。在堂。而天之禍吾家至此。聞者為之感動。李氏生於壬戌

月日。歿於丁亥。葬于遜道洞。向乙之原。及府君葬于妣西朴氏。生於丙寅月日。歿於庚寅。祔于其下。後祖

妣命正模出后以世其祀歲已亥正模猥竊科第戊

申知娥林鸞既而遭賊變上憐恕其罪初施薄罰

徒配末一年而得釋三年後御史李滄羅織夏啟

再就理而島配于興陽留五年王世子誕生用其

慶移錦山又二年付處于忠原首尾十年前三

月遭伯妣喪今年四月又遭妻喪子女時無屬托蒸

嘗又不能展誠是緣正模罪釁積重而然而論以祖

先厚施天何啻報之甚耶累居端悃中謹此收召精

魄略書享年幾某日卒而已乃其敏德懿行既不能

發揚其萬至於二妣則尤無以考据而稱述靴筆

和涕昊天罔極

二恥齋集

卷四

行狀

三六

仲父繁寓府君行狀

仲父諱德浩字聖欽槃寓號也鵝洲之申著於高麗

有按廉使諱祐見王氏運訖與治隱吉先生携歸鄉

里彌退齋以孝聞朝廷褒錄之鄭子莊公表其基

享涑水書院六世而至諱元祥彌悔堂嘗遊諸先正

之門得聞淵源之學以孝聞旋聞又載鋒三綱

贈戶曹參議守藏待書院生諱元彌城隱主辰與伯

氏倡義師卒亥為退溪先生抗辨誣疏贈左承旨

於公為高祖曾祖諱適道彌虎溪國子士產早從塞

旅兩先生門得承旨設丁卯丙子倡義斥和除祥

雲郵官旋即棄歸除健元陵參奉即謝祖諱塚早

擢上庠。累登館薦。文章行誼。爲士林重望。彌忍齋老。

諱文錫。孝友文行。克世家學。娶自城孫氏。吏判愚齋。

仲暉。后忠義。謝諱鎰之女。以甲寅十二月二十日生。

天稟慈詳。孝友。歲乙丑。種考棄背。府君時年十二。執

喪哀慄。如成人。見者感異。之連庚午。伯考又早世。時

大喪相繼。家事無津。府君年未勝冠。而能服勤奉養。

教育幼孤。一家衣食之須。既皆由府君出。而乃若不

肖等。早免水火。終卜魚曾。又皆仲父賜也。間以餘力。

治舉子業。亦清麗可觀。而屢舉不中。晚得龍額一選。

而亦未克大闡。鄉黨皆稱惜。府君不以屑意。專其意。奉

親養。閑見人役。役於名利。爲之羞。慙也。免性厚。重寡

二恥齋集

卷四

行狀

三十七

黜。未嘗出俚言。亦未嘗言人過失。有來言者。亦勿酬

答。嘗往遊於葛庵。先生名曰。得聞爲學之方。既還

隱然有求道之志。潛心經籍。幾至忘寢食。晝先考於

府君爲季弟。而又於已。罷程促。府君怕以獨行爲悲。

且悶其無后。自于祖妣。以正模。焉后。祖妣年深多病。

有時危。餽府君。輒血書。禱天。願以身代。歲庚寅。祖妣

下世。府君叫叩。遑遑哀動。傷人。附身附棺。靡有遺憾。

府君既躬。行孝弟。教子弟。又循循有法。正摸得科。時

勤。少年。府君不色喜。而深以爲懼。常以行身事君。之

義。早。夜戒飭。此可見隨事警誨之一端也。晚年終居

于縣南考槃洞。搆茅屋數椽。扁以槃窩。取古人邁軒

之意。故里十里而造。正模等每以不得同居。娣侍
 為恨。戊申之變。慨然流涕。與上舍兒濂。確議倡義。推
 上舍公為盟主。竭誠募兵。積書甚多。未克發。旋復罷。
 是歲。正模出宰居列。以遺孀全母。薄。謹而旋釋。府
 君益灰心。爵。祥。欲携挈子。徑入峽。與居而未之果。以
 庚戌正月十日。終于寢。享年纔五十七。是年二月。葬
 于安平朴谷。巽向之原。仲叔母李氏。即延安天姓。縣
 監軫之。五世孫。處士聖裕之女。淑慎和溫。配府君。無
 違德。庚子七月六日。年四十三而歿。祔葬于遜道洞。
 王考妣墓下。府君仁恕溫和。自是天得。雖未果。進為
 於世。而所以在家為政。良有可觀者矣。待立嫂如事。
 三恥齋集卷四 行狀 三六

親聞。恤他子。必先已出。而至若奉先之孝。重宗之誠。
 則固已卓卓然。高人數層矣。尤篤於周窟。區區當春
 則必以斗斛。隨緩急。分俵於親戚。因以推及鄰里。下
 賤故率之日。無論親疎。賤也。皆出涕相吊。曰。善人亡
 矣。噫。此可以倉報於天。而夷考平生。絕無好事者。何
 哉。長子。吾模。先府君。其次子。俊模。亦夫。從伯子。彥模。
 上言于。朝。以堂從子。禮模。為子。一女。適金宗鐸。側
 室有二子。謹模。慎模。竊念府君之歿。已十許年。其
 間。正模。又遭重劫。流移南北。孤露餘生。憂無吁。憑。輒
 書志。行椽。繁。以為末世。寓慕之資云。

贈淑人順興安氏行畧

二恥齋集 卷四

淑人姓安氏順與麗朝贊成事諱文凱其鼻祖也

曾祖諱道徵以文行伏一世祖諱機石龍驤衛副護

軍父諱履順母咸陽朴氏諱某之女以庚午月日生

性柔順和溫甚有婦道自未笄時已有聲稱歲矣已

歸于正模正模褻粹古賢常行蹟為閭覽一篇以遺

之淑人深感相勉之意既倦倦服膺而又幼書飭

船之道早夜進戒于正模正模雖到老無聞而當初

不全暴棄則淑人實有力焉是年秋村夫人得疾彌

留淑人恒侍側憂惶躬親粥藥正模欲及時行見姑

禮則淑人以母疾不可離願少展行期辭意甚懇正

模遂許之及多抄村夫人奄不起疾淑人素清弱時

行畧 三九

二恥齋集 卷四

且有娠自待湯時已積傷成疾既遭喪哀毀無人色

正模深加愍然為之寬譬後年春三月聞行襄禮正

模又往赴之淑人毀瘠益甚殆不可支正模又多方

責諭則淑人曰人之生死有命豈有以毀滅損壽者

乎既葬余將歸淑人送于中門之內為之法然露宿

正模深恠其然問之則淑人却立不答既歸僅一月

淑人溝痘因墮胎舉家出避淑人叔父獨留視疾竟

以五月初二天逝得年纔二十五呼其短矣當時相

送儻是千古之諒故心動先告別懷之苦乃爾也是

年八月權葬于其所居南陌向之呼將欲待時歸葬

于先父兆次而歲月荏苒居然二十八年于今矣正

模丙申改娶東萊鄭氏已亥恭竊科名又生三子一
 女戊申正模寧居烈以先私全親簿配即釋庚戌受
 被繡衣誣啓建繫被刑仍配興陽乙卯移錦山丙
 辰又移忠原已未先伯妣下世正模千里奔喪至恨
 在中庚申鄭氏與一女二子在家獲痘鄭氏又不救
 即令子女飄搖鬚髮無托嗟乎天之不吊極矣顧今
 正模垂老往迹已陳聊書淑人系牒及當時所見之
 一二以示迷豚輩云爾
 淑人東萊鄭氏行畧
 淑人姓鄭氏東萊人從仕郎東部參奉燾之曾孫學
 生堯相之孫處士之歆之女母清道金氏學生世泰
 二駟齋集卷四 行畧 三十一
 其外祖也初處士公杜門安貧鄉人高其行有三女
 淑人卽其中也以丙子五月二十一日生少染家訓
 有幽閑之德年二十一歸于鵝洲申正模正模出后
 于季父府君而不善治生家業甚蹙淑人甘忍貧計
 竭誠奉祭祀又能致孝于先伯妣伯妣甚愛天性凝
 厚朴直未嘗少撓於貧絕不爲苟且事亦不以少
 財利較爭於人正模以閨範示之淑人手書一帙覽
 誦體行正模爲學母至夜分就寢淑人於內室亦坐
 待撤讀未嘗先寢尤以靛麻京議酒食爲務見家
 婦女遊放自便者輒心非之已亥正模中科第淑人
 時年二十四人皆以婦福稱賀而淑人不以自夸又

連生三子三女。二女不育。戊申正月。出宰娥林。淑人
從之。未一月。小醜竊發於安陰。一夜間。長驅迫城邑。
時吏率一空。隻手無奈。又伯妣在堂。嬰疾。正模遂馳
報于棠營。一邊背負而出。淑人跋涉從行。足為之血。
方伯即落罷。正模僅奉板輿。達于家。厥明即西上。
俟命于大理。上特怒其罪。徒配鄰縣。未一年而
全釋。淑人自是無意世事。嘗謂正模曰。吾家福薄。乍
得一邑。冒突踵至。前頭事可知。莫如奉親入山。艱荒
營生之為便也。正模聞而喜之。方覽相四峽。欲擇其
可處而居之。庚戌。御史李滄以罔極之言。搆誣于
朝。正模逮繫于鞫。撒仍配于高興。高興距家千里。
淑人積憂震剝之餘。瘦瘁日甚。家婦人有吉宴會。
雖強邀。未嘗赴焉。乙卯。正模思移于錦陽。丙辰。又
付處于忠原。兩邑既稍近於家邑。大夫又肯許由觀。
嘗一再往來。淑人喜極而悲曰。人之夫婦。如天地陰
陽。錢一不可。吾何辜于天。而生別此。又家事無津。寧
欲自裁。無知也。正模慰諭之曰。累次思移。今到中
途。前頭全釋。即次第事耳。君須圖治家。上以慰老親。
下以保子女。不亦可乎。淑人自是略留意家事。百口
賴以全保。伯妣年高而氣尚強。正模日望其悵釋歸。
待乃於已未春。奄忽下世。正模千里舂喪。心事隕絕。
葬後。即還纍宮。瘞患孔熾。遂移接于德周。時伯妣初

二恥齋集 卷四 行畧 三十一

歲纔隔月。淑人與二子一女同時薄瘴。竟以庚申四月初六日。不救。年纔四十五。噫。天亦不仁者矣。隣近上下婦女。慟涕悲之。曰。薄仁婦人。何遽至此也。是年八月。葬于遜道洞西岡。卽先考妣墳山後麓。癸坐之。阡也。初。伯妣旣葬。淑人曰。旣以忍情在家者。高姑氏在也。今人事乃爾。喪畢。吾亦從往于壘所。正模啜滄不能答。而心以爲然。今淑人又至此。此何變也。正模罪釁充塞。旣不果歸。訣老親。又不克徯其室。家俯仰人間。廓落無憑。自今以往。類繫於何。托屬于女。更誰詒依也。嗚呼。哀哉。中僅以妝奩精魄畧記。世系及行蹟。而援筆淚落。萬不記。

三恥齋集

卷四

行畧

三十三

墓碣銘

虞士遜安李公墓碣銘

正模有通家之誼於遜安李氏者。蓋父矣。以故於其世德家範知之。實稔歲戊申。正模累居于赤羅縣。李台俊丈臨問甚厚。因徵其會祖處士公墓銘。正模不文。屬此畏約。不敢應命。李丈之請至累。反愈勤。正模不敢更辭。敬受其家乘而讀之。諱東美。字公述。其上也仕唐。從韋定方東來。仍留于遜安。厥後珪組相望。爲海東望族。有諱某某。官定公。高祖有諱某某。是公曾祖有諱某某。實縣監。定公祖有諱忠。可成。均生員。是公考娶安東權公暘之女。以萬曆庚子生。公有異

二恥齋集 卷四

質篤厚慎重未嘗有子弟之過稍長通明經術知名於士友間嘗俱中鄉解未占蓮榜上特賜小學一部以獎之公少篤志舉業蓋為一科悅親及年不惑二親俱逝公遂無意功名謝去病聲工上等於雲樹鄉種竹時梅日哦其間專以教子弟後進為事而於忠信篤敬隱惡揚善等訓尤惓惓焉自結髮至白首未嘗言人之不善蔚然有召家不言躬行之風鄉黨推稱偉人長者賢愚無不歸心焉崇禎後三月日考終于寢年七十三是年九月薨于默房山仰向原初娶箕城黃氏知中樞貴中之女無后而歿再娶咸陽朴氏訓導文燁之女生三男二女男曰以深以沉

二恥齋集 **卷四** **墓誌銘** **三十三**

以潛女都爾龍言尚彬以深四男曰大裕在裕聖裕泰裕以沉一男四女男得裕女宋之泰都萬鼎泰重基孫漢機以潛二男五女男善裕時裕女申益重呂天舉都爾賢宋之鼎宋道天曾玄以下多不能盡錄而台俊文助公之傳重曾孫也公天得孝友且叢詩禮制行和平著德深厚而終老林泉不見知於斯世或者未食之報將發於後人也耶是為銘銘曰維豐厥德遐不祿用遺後昆未艾福斯石不泐彌萬億

二恥齋先生文集卷之四

